

## ŽIVA BAŠTINA

BOSNA JE ZEMLJA MOJA,  
ZEMLJA PUNA LJUBAVI I SNOVA.  
GDJE GOD KRENEM U SRCU JE NOSIM  
SA SVOJOM ZEMLJOM SE NAJVIŠE PONOSIM.

ONA JE ZEMLJA TAKVA,  
ŠTO PRIRODNE LJEPOTE IMA,  
TE LJEPOTE REĆI ĆU SVIMA,  
AL' NE I POGREŠNIM LJUDIMA.

ONA JE PJESMA LJUBAVNA  
KOJA HRLI PREMA DRUGIMA,  
ONA JE JEDNA ŽIVOTNA POEZIJA.

ONA JE NAŠA POSEBNA MAJKA  
KOJA NAS ČUVA  
KOŠTO SE ČUVA ČEDO SVOJE.

AMELA MACE VIIIc OŠ GNOJNICE, MOSTAR

## ŽIVA BAŠTINA

NA RANI U SRCU STAROM NAŠA DOMOVINA,  
BLAGO NARODA SVOGA  
KROZ PLANINE I DOLINE RIJEKAMA OBASJANA,  
BAŠTINA ŽIVI STOLJEĆIMA ISPRIČANA.

GRADOVI STARI I PRIČE IZ PROŠLIH DANA,  
OD NERETVE PA DO DRINE I LIJEPA RIJEKA SANA.  
SEVDALINKA TIHO SVIRA I DUŠU NARODU DIRA,  
STARE PRIČE PJEVAJU KAO VJEČNA VATRA  
PONOSNO SE JAVLJAJU SVAKOG RANOG JUTRA.

BOSNA I HERCEGOVINA ,NAŠA BAŠTINA ŽIVA,  
U SRCIMA LJUDI VJEČNO ĆE PREBIVATI,  
DRAGO NAM JE S PONOSOM  
TVOJE BLAGO ČUVATI.

NA SVOME TLU TI ĆEŠ VJEČNO OSTATI  
I SVAKOG NOVOG DANA,  
LJEPŠA I LJEPŠA BITI.

CRNOMEROVIĆ LAMIJA VIIIc OŠ GNOJNICE, MOSTAR

## ŽIVA BAŠTINA

SVIJETLOST SUNCA SUNCA NA STAZI SJAJI,  
U BOSNI I HERCEGOVINI ŽIVA BAŠTINA BLISTA,  
RASTE I TRAJE.

GORJELE SU VATRE KROZ VIJEKOVE TAMNE,  
ČUVAJUĆI PRIČE I OBIČAJE SLAVNE.

U DOLINI NERETVE I DRINE PLAVE,  
PRIČE SE PRENOSE S KOLJENA NA KOLJENO,  
NIKAD NE ZABORAVE.

MOSTARCI SKAČU SA STAROG MOSTA,  
TRADICIJA ŽIVA U SVAKOM SKOKU,  
BEZ STRAHA, HRABRO I PONOSNO.

NENINE RUKE TIJESTO MJESE, PITA SE SPREMA,  
TRADICIONALNA HRANA KOJA SRCIMA GRIJE  
I DUŠE SMIRUJE.

BOSANSKI JEZIK KROZ VIJEKOVE OSTAJE JEDINSTVEN,  
NIKAD NE NESTAJE.  
SAČUVANE DŽAMIJE , CRKVE I SINAGOGE STOJE,  
ARHITEKTONSKI DIJAMANTI, SVJEDOCI PROŠLIH VREMENA  
VJEČNO STOJE.

ŠEMIĆ ŠEJMA VIIIc OŠ GNOJNICE, MOSTAR

## ŽIVA BAŠTINA

NEZAMJENJIVA ZEMLJA PUNA LJEPOTA ,  
DA SE O NJOJ NE PRIČA,  
BILA BI GREHOTA.

NA SVAKOM KRAJU TOLIKO ŽIVOTA,  
SVAKO MALO DEDO ŠTO CIGARU MOTA.

BAŠTINA BOSNE VIDI SE SVUGDJE,  
KAKVE IMA MALO GDJE.

OTIĆI IZ NJE NIJE LAHKO,  
TO NE MOŽE SVAKO.  
ČITAV ŽIVOT ŽELJAN JE OSTANE,  
ŠTA GOD DA U ŽIVOTU POSTANE,  
ZA NJOM ŽUDI KAO I VEĆINA LJUDI.

STARA KALDRMA MOJE ZEMLJE,  
TU JE GDJE GOD DA KRENEM,  
ZA NJOM SE UVIJEK OKRENEM,  
JER ZNAM DA ME ONA ČEKA,  
UVIJEK TOPLA I MEHKA.  
ZAUVIJEK SRCU MOME DRAGA.

LAMIJA MAKSUMIĆ IXc OŠ GNOJNICE, MOSTAR

## ŽIVA BAŠTINA B I H

HILJADUDUGOGODIŠNJA KULTURA OD NJENOG NASTANKA PREKO RAZNIH CIVILIZACIJA KOJE SU BORAVILE U NAŠOJ ZEMLJI OSTAVILE SU NEIZBRISIV TRAG I BOGATO KULTURNO NASLJEĐE.

MISLIM DA JE BOSNA I HERCEGOVINA JEDNA OD NAJLJEPŠIH ZEMALJA JUŽNE EVROPE.

TURISTI IZ CIJELOG SVIJETA OSTAJU NIJEMI PRED NAŠIM PRIRODNIM LJEPOTAMA.

S PRAVOM SE MOŽEMO POHVALITI KAKO PRELIJEPIM PLANINAMA, TAKO RIJEKAMA, JEZERIMA, VODOPADIMA.

NAŠE PLANINE POPUT JAHORINE I BJELAŠNICE NA KOJIMA JE ODRŽANA OLIMPIJADA 1984. GODINE, SADA SU POZNATA SKIJALIŠTA. IGMAN, TREBEVIĆ, PRENJ SU TAKOĐER VAZDUŠNE BANJE TOKOM CIJELE GODINE POSJEĆENE.

NAŠE RIJEKE SU TAKOĐER PRELIJEPE, IMAJU PREDIVNE KANJONE. BOGATE SU BILJNIM I ŽIVOTINJSKIM SVIJETOM. NERETVA NAS PREKO JADRANSKOG MORA VODI U SVIJET, A NA SVAKOJ PREDIVNI MOSTOVI PRIČAJU SVOJU PRIČU. NE MOGU NE SPOMENUTI RIJEKU BUNU ČIJE JE VRELO NAJJAČE U EVROPI, A TU JE I VELIČANSTVENA DERVIŠKA TEKIJA, A SVE PODNO KULE HERCEG STJEPANA KOSAČE.

DA MI JE SAMO IZ ZRAKA POGLEDATI LJEPOTU DUVANJSKOG I LIVANJSKOG POLJA, MALO KOJA ZEMLJA TO IMA. KAKO PRIČATI O PRIRODNIM LJEPOTAMA BIH, A NE SPOMENUTI NACIONALNI PARK SUTJESKA, NAJVEĆI NACIONALNI PARK U BIH.

NA JUGU HERCEGOVINE NALAZI SE HUTOVO BLATO I JEDINSTVENA MOČVARA U EVROPI.

JEDNO OD NAJLJEPŠIH PRIRODNIH ČUDA U BIH JE VODOPAD KRAVICE NA RIJECI TREBIŽAT.

RIJEKA UNA IMA VELIČANSTVEN VODOPAD ŠTRABAČKI BUK I MARTINBRODSKE SLAPOVE .

VODOPAD JAJCE NA RIJECI PLIVI UBRAJA SE U DVANAEST NAJLJEPŠIH U SVIJETU.

MISLIM DA SMO JEDNA OD RIJETKIH ZEMALJA NAD ČIJIM PRIRODNIM LJEPOTAMA ČOVJEKU ZASTAJE DAH.

TREBA IH VJERNO ČUVATI, PROMOVISATI, VOLJETI, UŽIVATI.

NADIJA GOLOŠ Ixb OŠ GNOJNICE, MOSTAR

## ŽIVA BAŠTINA

BOSNA JE NAŠA LIJEPA DOMOVINA  
TAKVA SE NE BI MOGLA NAĆI NI U SNOVIMA.  
BRANILA IH NAŠIH OČEVA RUKA ,  
NAŠA BOSNA PUNA RAHATLUKA.  
MNOGO ZLA I TUGE JE PRETRPJELA,  
NA KRAJU JE OSTALA DRŽAVA CIJELA.

SARAJEVO,MOSTAR I MNOGI DRUGI GRADOVI  
PUNI KULTURE,PUNI ZNAMENITOSTI,TRADICIJE  
I ČAROBNE AVANTURE.  
NA BAŠČARŠIJI MIRIS BAKLAVE SE ŠIRI,  
A NA BRDIMA LAGANI POVJETARAC PIRI.

BOSNA I HERCEGOVINA POSTOJI  
I NIKADA PRESTATI NEĆE  
SVE DOK LJUBAV PREMA NJOJ U NAMA  
NESTATI NEĆE.  
DOMOVINA BOSNA TO SAMO RIJEČ NIJE,  
NEGO JE KRV I ZNOJ,  
ŠTO IZ NAS LIJE.

HAMZA DEDIĆ VIIIc OŠ GNOJNICE, MOSTAR